

SCRIPT OF EVENING GOJRI NEWS BULLETIN 17APRIL 2025 1700HRS

اونینگ گو جری نیو ز بلیٹن مورخہ 17 اپریل 2025

یوہ آکا شوانی جموں ہے نصرت تے اظہر حسین تیں خبر سُنو۔

HEADLINES

- ۱۔ مرکزی وزیر داخلہ امت شاہ نے سی آر پی ایف غا جوانان غی بہادری نانہہ سلام پیش کرتا واں کہی وکہ ان غو اہم کردار قوم غی تاریخ مانہہ ہمیشہ یاد رکھیو جے غو۔
- ۲۔ وزیر دفاع راج ناتھ سنگھ نے کہیو کہ دفاعی شعبہ خود کفیل بن رہیو ہے تے برآمدات مانہہ وی مضبوطی لیا رہیو ہے۔
- ۳۔ لیفٹیننٹ گورنر منوج سنہا نے کہی وکہ سب واسطے صحت اُن غی حکومت غی اولین ترجیح ہے۔
- ۴۔ تیز ہوا تے آندھی تیں عام زندگی متاثر ہو رہی ہے کئی علاقوں مانہہ بجلی تے پانی غی سپلائی متاثر ہوئی ہے۔
- ۵۔ اقوام متحدہ غا ادارہ برائے تجارت و ترقی نے کہیو کہ بھارت غی معیشت ۵۲۰۲ مانہہ ۶ اشاریہ ۵ فی صد بدھے غی۔

SHAH NAXALISM

مرکزی وزیر داخلہ امت شاہ نے اج ایک واری پھر کہی وکہ نکسلزم نانہہ اگلے سال ۱۳ مارچ توڑی مکمل طور ور ختم کردتو جے گو تے سی آر پی ایف غا جوانان اس مانہہ اہم کردار ادا کریں گا وزیر داخلہ مدیہ پردیش غا نی مچ مانہہ ہسی آر پی ایف غا ۶۸ واں یوم تاسیسی غی تقریب تیں خطاب کر رہیا تھا شاہ نے کہیو کہ ملک غو یوہ عزم کہ نکسل نانہہ جڑھ تیں ختم کیو جے مارا بہادر جوانان غی ہمت تے قربانی غی بنیاد ور وے غو اُنہاں نے کہیو کہ کوبرہ بتالین گا جوانان ملک نانہہ نکسل تی پاک بنان مانہہ شاندار کم کر رہیا ہیں وزیر داخلہ امت شاہ نے مزید اس طرح کہیو۔ وزیر داخلہ نے تمام شہید سی آر پی ایف جوانان غا خاندانان غی ہمت غی تعریف کی اُنہاں نے کہیو کہ شہیدان غا خاندانان غی قربانی ملک نانہہ مضبوط تے خوشحال بنان مانہہ ہے مثال ہے اس موقع ور وزیر داخلہ نے پریڈ غ و معائینو کیو جوانان نانہہ بہادری غا انعامات تیں نوازیو تے شہید ستھل ور کراچ عقیدت پیش کیو۔

RAJNATH DEFENCE CONCLAVE

وزیر دفاع راج ناتھ سنگھ نے اج کہی وکہ بھارت غو دفاعی شعبو خود انحصاری غی راہ ور گامزن ہے تے دنیا مانہہ دفاعی برآمدات غی صلاحیت وی مضبوط ہو رہی ہے نوی دلی مانہہ ڈفنس کنکلیو فورس آف فیوچر گا افتتاحی اجلاس تیں خطاب کرتا واں اُنہاں نے کہی وکہ حکومت غو بنیادی مقصد دفاعی شعبہ غی صلاحیتان نانہہ بدھانے ہے۔ اُنہاں نے کہیو کہ نریندر مودی حکومت نے دفاعی شعبہ مانہہ خود انحصاری تے افواج غی جدید کاری ور خاص توجہ دتی ہے۔ راج ناتھ سنگھ نے مزید کہی وکہ وزارت دفاع نے خود انحصاری نانہہ مزید فروغ دین واسطے سال ۵۲۰۲ نانہہ اصلاحات غو سال قرار دتو ہے۔ جناب سنگھ نے مزید اس طرح کہیو۔ یوہ کنکلیو بھارت غو بدلتو ووو دفاعی منظر نامہ ور گفتگو واسطے ہے جس مانہہ خود انحصاری تکنیکی ترقی تے حکمت عملی اصلاحات ور زور دتو جارہیو ہے اس مانہہ دفاعی اصلاحات مقامی صنعتی پیداوار دفاعی برآمدات تے ابھرتی وی ٹیکنالوجی جسران کہ موضوعات ور ماہرین غے درمیان گل بات وے غی جس مانہہ اعلیٰ فوجی افسران سرکاری نمائندہ صنعت کارے تے ماہرین حصو لیں گا۔

PUNJAB ARMY ARREST

پنجاب غا جلندر مانہہ پولیس نے ایک آرمی جوان نانہہ گرفتار کیو ہے جھڑو گزشتہ ماہ ایک سماجی میڈیا غی مشہور شخصیت گا گھر ور گرینڈ حملہ گا سلسلہ مانہہ ملوث تھو۔ جلندر رورل گ ایس ایس پی پرویندر سنگھ ورک نے دسیو کہ اس آرمی جوان نے ایک ملزم نانہہ آن لائن تربیت دتی تھی کہ وہ گرینڈ صیح طریقہ سنگ چلائے پھینک سکے۔ یوہ ضملو ۵۱ تے ۶۱ مارچ غی درمیانی رات نانہہ ہوو تھو لیکن خوش قسمتی تیں کوئی زخمی نی ہوو۔ یوہ جوان جموں کشمیر مانہہ تعینات تھو جس نانہہ اج جلندر غی عدالت مانہہ پیش کیو گیو تے ۵ دنن غی پولیس رماند مانہہ بھیج دتو گیو ہے فوج نانہہ اس غا کردار غا بارا مانہہ اطلاع دے دتی گئی ہے مزید تحقیقات جاری ہے۔

SC WAQF

سپریم کورٹ نے آج مرکزی حکومت غی یاه یقین دہانی رکارڈ کی کہ وقف ترمیمی ایکٹ ۵۲۰۲ غے تہت اگلی سماعت توڑی کسی نوا فرد غی تقرری وقف بورڈ یا سینٹرل وقف کونسل مانہ نی کی جے غی چیف جسٹس سنجیو کھنہ غی سربراہی مانہ جسٹس سنجے کمار تے جسٹس کے وی وشوا ناتھن ور مقتمل بنچ نے سولیسٹر جنرل توشار مہتا غی یاه یقین دہانی وی نوٹ کی کہ موجودہ وقف جائیدادان جس مانہ وقف بائی یوزرب شامل ہے غی حیثیت فی الہال تبدیل نی کی جے غی۔ عدالت نے مرکز نانہ حکم دتو کہ وے قف ایکٹ ۵۹۹۱ مانہ حالیہ ترامیم نانہ للکارن آلی درکواستار ور ۷ دنان غے اندر اپنو جواب داخل کریں کیونجے درخواست غی تعداد زیادہ ہے اس واسطے بنچ نے درخواست گزاراں تیں کہیوہ ۵ کہ اہم مقدمات غی نشاندہی کریں جنہاں نانہ سنیو جے گو تے باقی درخواستان نانہ ختم شدہ غے طور ور سمجھیو جاسکے ہن اس معاملہ غی سماعت ۵ مئی نانہ وے غی۔ عدالت نیوہ وی حکم دتو کہ تمام دستاویزات تے تحریری دلیل نانہ منظم کرن واسطے ایک نوڈل وکیل غی تقرری کی جے۔ وقف ایکٹ مزہبی و فلاحی مقاصد جسران کہ مسجد سکول تے اسپتال واسطے اسلامی اوقاف تیں سنبھالان تے چلان غا بارا مانہ ہے۔

LG HEALTH

لیفٹیننٹ گورنر منوج سنہا نے آج کہیو کہ صحت سب واسطے میری تے جموں کشمیر انتظامیہ غی اولین ترجیح ہے انہاں نے کہیو کہ گزشتہ چند براں مانہ ہم نے معیاری صحت سہولیات نانہ سب تک پُجان نانہ یقینی بنایو ہے انہاں نے کہیو کہ ہم نے بنیادی ڈھانچہ نانہ بہتر بنایو ہے تے صحت خدمات مانہ سرمایہ کاری کی ہے۔ یاه گل انہاں نے دودھ تے کشتواڑ مانہ بینالاقوامی روٹری غے زیر اہتمام ایک یقہ طویل سرجیکل کیمپ گو افتتاح کرتا واں کہیوہ کیمپ ترے مقامات ور ہورریو ہے۔ جی ایم سی ڈوڈھگو اسپتال، ضلع اسپتال کشتواڑ، تے سب ڈسٹکٹ اسپتال بدرواہ جت ماہرین ڈاکٹران غی ٹیم مختلف سرجری کریں غی لیفٹیننٹ گورنر منوج سنہا نے اس طرح کہیو۔

KISHTWAR HEALTH CAMP

محکمہ صحت نے بین الاقوامی روٹری غا تعاون نال ضلع ہسپتال کشتواڑ مانہ ایک برو سرجیکل کیمپ گو انعقاد کیو ہے ملک غا مختلف حسان توں سرجیکل غا ماہرین غی ایک ٹیم نے کیمپ مانہ حسو لیو تے مقامی آبادی نانہ صحت غی اہم خدمات فراہم کرتا واں کئی بری سرجریاں نانہ کامیابی سنگ انجام دتو ہے اس تقریب غو افتتاح ڈپٹی کمشنر کشتواڑ راجیش کمار شاوون نے دیگر معززین تے عہدیداران غے نال کیو۔

JAMMU WINDS

جموں کشمیر مانہ ۰۰۱ کلو میٹر فی گھنٹہ گا ارفتار سنگ چلی تیز ہوا بارش ناس تے جموں خطہ مانہ پچھلی شام مُمول گا کم کاج مانہ رُکاوٹ پائی ہے مہارا آکشوانی جموں گا نمائندہ غے مطابق کھکڑگی وجہ توں کئی بوٹاں بجلی گا کھنہ تے ٹاور جٹر پرت ہویا ہیں جس کی وجہ توں جموں دویزن گا تمام ۰۱ ضلعان اندر بجلی غی سہولت تے جموں شہر تے دیگر شاہراں ور گڈیاں کی او جائی متاثر ہوئی ہے جموں شہر گا کُجھ حصاں مانہ بوٹا تے بجلی گا کھمبہ ٹین کی وجہ توں کُجھ سڑک بند ہوگئی ہیں۔ جدکہ سول سیکرٹریٹ جموں مانہ اک کنڈر ڈھین کی وجہ توں کُجھ گڈیاں نانہ نقصان پُچیو ہے تے اس دوران کسی جانی نقصان یا زخمی ہون کی کوئی وی جانکاری نہیں لبی ہے تیز رفتار چکھڑگیو جی توں جموں اکھنور آرایس پورہ تلاب تلو تے جموں نگر وٹہ سڑک ور گڈیاں کی او جائی وی ہوئی جدکہ جموں سانہ کٹھوعہ تے جموں کترہ ریاسی سڑک ور لمبو ٹریفک جان بارے جانکاری لبی ہے۔ محکمہ موسمایت غے مطابق ۸۱ اپریل توں اُچا علاقان ور برف باری تے ۸۱، ۹۱ اپریل کے دوران کُجھ علاقان مانہ بجلی کڑکن کے نال درمیانہ توں خاصہ درجہ کی بارش ہوسکے۔

ARMY SAVES

موسلا دار بارش تے شدید گرج چمک غے درمیان بھارتی فوج نے ریاسی غا علاقہ تلوارہ مانہ ملہ غے تھلے دبی وی ایک خاتون تے ۳ بچاں نانہ کامیابی سنگ بچایو گیو۔ بچاؤ ٹیم غی بروقت تے دلیرانہ کاروائی غی وجہ سنگ تے قیمتی جان بچ گئی تاہم طبی امداد وی مقع ور فراہم کی گئی جیہڑی جے ہمت تے ہمدردی غی حقیقی عکاسی ہے۔

UNCTAD

اقوام متہدہ غی تجارت تے ترقی غی تازہ ترین رپوٹ غیمطابق ۲ ہزار ۵۲ مانہ بھارت غ ۶۱ عشاریہ ۵ فی صد غی شرح غینال سب توں نال ترقی کرن آلی بری معشیت رہن غی توقع ہے تجارت تے ترقی غی پیش گوئی ۲ ہزار ۵۲ غا عنوان توں رپوٹ مانہ بھارت نانہ اُن ممالک مانہ درج کیو گیو ہے جہیرو اعلی سرکاری اکراجات تے مالیاتی پالیسی غا محرک غے سنگ ترقی نانہ اگے بدھا رہیا ہیں۔ رپوٹ مانہ چین غی شرح ۴ عشاریہ ۴ فی صد جد کہامریکی معشیت غی شرح ۱ فی صد دہن غی توقع ہے۔

NEWS READ BY NUSRAT
NEWS READ BY AZHAR HUSSAIN
NEWS EDITOR YOGESH KUMAR SAGOTRA
TECH ASST GOKUL
SKILLED RAJAT
DEO NUSRAT